

## Á Akureyri

ÞÓR: Hvar er Lystigarðurinn? Hann á að vera mjög fallegur.

HARPA: Við skulum sjá. Lystigarðurinn. Hann var stofnaður árið 1912, og það er plöntusafn þar sem í má finna flestar íslenskar plöntur.

ÞÓR: Já, en hvar er hann?

HARPA: Hann er ekki langt héðan, við erum bara fimm mínútur að ganga upp Eyrarlandsveg, þar sem við vorum rétt áðan. En við skulum frekar fara að skoða Laxdalshús fyrst.

ÞÓR: Laxdalshús, hvaða hús er það?

HARPA: Elsta hús á Akureyri. Það er frá 1795 og stendur þar sem fyrsta byggðin var.

ÞÓR: Nú, en klukkan er ekki nema tíu. Er opið svona snemma?

HARPA: Já, það er nú það. Það er ekki opnað fyrr en klukkan eitt. Hvað eigum við að gera?

ÞÓR: Fáum okkur kaffi og förum svo í Lystigarðinn!

HARPA: Góð hugmynd, það eru fjögur kaffihús hérna upp frá. En bíddu. Það er líka kaffihús í Lystigarðinum. Eigum við þá ekki bara fara þangað strax?

ÞÓR: Jú, gerum það! Förum þangað!

ÞÓR: Eigum við að fara á Minjasafnið strax á eftir?

HARPA: Æ já, gerum það, þar eru sýningar og gömul kirkja sem ég ætla endilega að skoða.

ÞÓR: En það er sunnudagur í dag. Er opið sunnudaga?

HARPA: Já, fimmtudaga til sunnudaga.

ÞÓR: En sú heppni!

HARPA: Já, er það ekki! Og hvað gerum við svo?

ÞÓR: Við skoðum Listagilið! Ég er búinn að heyra mikið um Listagilið.

HARPA: Hvað er Listagilið?

ÞÓR: Þú ert leiðsögumaðurinn!

HARPA: Skulum sjá, já, hérna er Listagil: 'heil gata í miðbæ þar sem eru listasafn, gallerí, vinnustofur listamanna, veitingahús...' En gaman! Förum endilega þangað!

ÞÓR: Hvað um Leikhúsið, er ekki leikfélag hér á Akureyri? Hvernig væri að fara í leikhús í kvöld?

HARPA: Nei, það er ekki hægt, Leikhúsið er bara opið á veturna, frá september til júní, stendur hér.

ÞÓR: Nú hvað! Ekkert á sumrin?

HARPA: Nei, en hins vegar eru sumartónleikar í Akureyrarkirkju.

ÞÓR: Hvenær?

HARPA: Bíddu, já, það stendur hérna: frá júlí til ágúst, sunnudaga kl. 5.

ÞÓR: Það passar ágætlega! Jæja, þá er örugglega best að fara af stað. Bærinn bíður!